

中國方志叢書·西部地方·第十三號

據清光緒三十四年抄本影印

新疆省

綏定縣鄉土志



5426/13

成文出版社印行



10094122

中華民國五十七年三月十一版

綏定縣鄉土志

定價：新台幣一二〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號
電話：九二二〇一〇號

印刷者：正大印製廠

三重市長生街二號之一

內政部登記證內版臺業字第一一四七號

版權所有

綏定縣鄉土志

新疆伊犁省綏定縣鄉土志

歷史

縣治在漢為伊列國地屬匈奴南與烏孫接境元帝
建昭時陳湯破郅支北擊伊列即其地也以後不見
於史蓋已併於烏孫矣烏孫有大小昆彌大昆彌治
赤谷城成帝元延二年國內亂漢遣中郎將殷會宗
誅其亂者至後漢章帝元始中兩昆彌皆弱安順之
世西域背叛而烏孫葱嶺以西弗通朝貢焉元魏蠕
蠕侵凌率帳徙都真珠河

今特克
斯河北

太武太延三年貢

於魏魏遣董琬

一作董琬

使其國其後蠕蠕滅地盡入突

厥烏孫故國大抵皆鐵勒部也當隋太祖開皇中曰

達頭可汗與突厥分烏孫地號西突厥鐵勒諸部雲

附景從控弦數千萬號今城郭諸國逐儼然雄視西

域唐初高祖厚結之並力以圖北蕃

一作北蕃

太宗貞觀

十二年西突厥咄陸與咥利失交爭伊列以西屬咄

陸以東咄利失主之地遂兩屬咥利失死其弟伽那

之子沙鉢羅葉護襲汗位建庭睢合水北

睢一作雖今察林河

地高宗永徽五年左屯衛將軍蘇定方為伊麗道行

新疆伊犁府綏定縣鄉土志叙
伊犁漢時伊列國也雖疆圉風
俗物產班志弗詳而枕山帶河
實為西域之隩區天山以北之
門戶唐承漢後突厥踞焉然皆
阻於聲教未隸版圖

國朝文德武功超越前代平準
噶爾定回部設將軍於伊犁控
制全疆於是瓊廬毳幕之傳莫
不喁喁向化誠亘古未有之隆
庥也會陝回煽亂關外回匪應
之舉二萬里之土地淪為賊窟

嗚呼慘矣我

國家竭東南則力始克削平伊

犂一隅則索還於俄國者

朝廷從疆臣之請開省庭州綏

定縣始於光緒十四年也迺者

疊頌

序

二

明詔銳意興學設學部綰其樞
紐飭直省府廳州縣各撰鄉土
志曰歷史曰地理曰格致均就
鄉土采輯以為小學課本是將
以四百兆人民悉納於文明之
化以激發其愛國之忱偉矣盛

矣講求學務茂以加矣漢書西
域傳洪博淵雅述前古所未聞
以流傳於後世故學者足迹不
出戶庭而三十六國之山川道
里城郭戶口以暨俗尚異同甲
兵方物之屬雖代遠年湮猶瞭

序

三

如指掌蓋目所習見耳所常聞
其事近其言翔實也綏定志乘
未勒成書自經兵燹故家遺俗
漫無稽考然奎學慚弇陋承乏
於斯案牘閒暇間策馬巡鄉社
呼村長里老博訪周諮爰掇大

略筆諸簡端其有文獻可徵私家著述可資考證者依例自編集期合於古而不背於今不知者闕焉以俟政教之君子
光緒戊申三月上巳長沙蕭然
奎謹撰

美

VI

軍總管破賀魯於伊麗河永瀆中十姓阿史那車薄

啜

薄一作落

反圍弓月城

今喀什河北

安西都護王方翼引軍

至伊麗唐書西域突厥傳或作伊列或作伊麗列麗
皆轉音實即此地耳武后朝突厥亡突騎施烏質勒
以碎葉為大牙弓月城伊麗水為小牙尋為別部車
鼻施葛蘇祿所襲分為黃黑二姓據有其地至代宗
大歷後十姓徙居故土二姓仍屬之厥後則統稱回
統矣當西遼耶律大石之興也改元延慶是歲宋徽
宗宣和六年越三載領宗靖康元年大石建都於虎

思幹耳朶數傳至直魯古為乃蠻西出律襲執之據

其國而西遼遂亡時宋寧宗嘉定四年元太祖之六

年也又三年元太祖西征斬曲出律城於阿里瑪正文

西游錄阿里瑪城西有河曰亦列其西有城曰虎思

窩魯朶及西遼故都西城圖考亦列即瞻德城西之

察罕烏元亡入瓦拉部明成祖十六年別失八里酋

歪思西徙更國號曰亦力把里游牧於此瓦拉自也

光死其子孫分為四衛拉特華言四大部也曰緯羅

斯曰杜爾伯特杜一作都皆聚牧天山之北阿爾台山之

南山在時克緯羅斯亦曰準噶爾有瑪哈穆特者一作

為哈維長諸部與阿魯台相讐侵攻無寧歲阿魯台
木苦其暴虐永樂中內附歲修職貢宣德間瑪哈穆特
子脫歡襲殺阿魯台欲踞汗位而衆不屬乃以托克
托巴哈立之自為大師脫歡死子額森嗣正統時大
舉入寇明師敗於土木既而額森弑其王稱田盛大
汗宣帝詔稱衛拉特汗景大中尋亦為部下所弑額
森有子二俱退歸舊牧八傳至巴圖爾渾台吉是為
國朝順治二年子僧裕桑嗣一作僧格僧裕桑死其同母
弟噶爾丹與異母兄車臣爭產因戕車臣兼併四衛

拉特史所謂厄魯特也噶爾丹恃其兵力遂自伊犁徙居金山伺隙擾邊康熙二十九年舉兵內犯我師敗績三十四年撫遠大將軍費揚古兵敗之於昭莫多噶爾丹竄匿薩克薩之呼里克三十六年仰藥自盡

詔策妄阿拉布坦噶爾丹兄子也收集餘衆游牧阿爾太山之西策妄既立掠哈密襲吐魯番殺散秩大臣阿喇伯納青海叛逆羅卜藏丹津索之弗獻雍正五年死子策凌立遣小策凌敦多卜率二萬衆犯濶